

腫瘍十六

癰疽初發癰腫而未見膿者也

集驗論瘡瘍之法

其名有三曰癰曰癰曰疽癰者初生突起浮赤而無根脚腫見於皮膚間止闊一二寸有少疼痛數日後則微軟薄皮剝起始出清水後自破膿出如不破用替鍼丸拔毒膏貼之膿出卽愈癰者初生紅腫突起無頭使用火鍼鍼之卽散不散鍼侵根脚闊三四寸發熱惡寒煩渴或不發熱抽掣疼痛四五日後按之微軟此證毒氣浮淺春夏宜用防風敗毒散加葱頭薑棗煎服秋冬去薑棗葱頭加木香牙半已上加括

裏身半已下宜加射干治早者卽散五日追毒丸返
魂丹復元通氣散微利之膿成用鉞針破開或用替
針丸咬開又一等皮色不變但畧微腫肌肉內痛夜
間痛甚發熱惡寒煩渴此熱毒深亦名爲疽謂其能
傷筋脉骨髓也日久按之心中微軟膿成後用火烙
烙開以決大膿外用拔毒乳香膏貼之宜服內托之
藥初發急用大針於腫硬處針之則散疽者初生白
粒如粟米大便覺癢痛觸著其痛應心此疽始發之
兆也急用火針於白粒上針開或誤觸破或入湯便
覺微赤腫痛三四日後不散根脚赤暈展開須詳看

之方見其暈闊狹如闊四五寸左右渾身發壯熱微
渴瘡上亦熱此疽也用火針於初起白粒上刺入一
寸餘徑寸之間四邊刺四處使用四味紫葛湯淋洗
一日夜共五六次洗之洗了以軟帛拭乾看疽上或
有漸生白粒如黍米或多或少可用銀篦兒挑去勿
令見血或有少血亦不妨不見血尤妙却用老皮散
傅之用涼水調大鐵箍散圍貼却留瘡口瘡口處用
水調正鐵箍散貼之未可用膏藥如再要洗須先去
圍藥令淨然後洗之一次洗一次點檢疽上漸生白
粒有則如前挑之六七日瘡頭無數口峯房膿不肯

出仍淋洗圍貼冬月用五香連翹湯之黃一味隨虛
實加減夏秋用黃連羌活散春末夏初用防風敗毒
散加葱白棗煎服秋去之加木香若形氣實脉洪滑
有力痛腫焮開壯熱便閉於五利大黃湯漏蘆湯返
魂丹追毒丸復元通氣散選一藥以通利之若大便秘
潤便止藥四十歲已前可用之虛弱年老之人雖有
便閉之證須慎之勿令過也瘡熱暈赤焮開圍貼如
赤暈收斂却再換鐵箍散不及用火針證七八日後
中間初起白粒處此竅已潰通內大膿可用皮紙撚
小紙絰撚入竅中令透漸漸流出可不用針砭如要

膿透必以大針刺開或周圍四五處其竅四邊如蜂
房處膿不肯出用正鐵箍散香油調貼一證初生白
粒誤觸後便覺情懷不舒暢背上沉重如負五七斤
米樣身體煩疼胸膈痞悶而躁飲食無味怕聞食氣
所謂外如麻裡如瓜者疽毒深惡內連腑臟也三五
日內皆可用烙於中間左右上下令毒氣通暢後膿
從諸竅而出五六日不散疽頂生白粒如椒者數日
後漸生多間有大如蜂房蓮子者指捺有膿血而不
流時有清水流出微腫不突根脚紅暈漸漸展開或
痒痛或不痛或根脚暈紫赤焮開至七八寸疽不甚

熱此證甚重用紫葛湯加米醋一盞洗可使紅活
如法去白粒傅老皮散圍大箍散瘡口塗正鐵箍散
每用前法如得根脚紅暈收疽突此藥力到變重爲
輕如起第一顆頂上白粒雖有膿而紅引不透按之
猶硬或漸不疼便宜用火烙開透若根脚仍舊紫黑
瘡反陷下如牛頂之皮漸變黑色肌骨腐潰恍惚沉
重用拔毒乳香膏貼四邊仍用大鐵箍散圍却用猪
蹄湯洗此數項變證必多又宜隨證調理脉若虛弱
便用大料八參當歸濃湯調解毒行經之藥凡癰疽
必服萬全散夏月用桃紅散服以護心若見膿之後

當以潰瘍法調理

以後集驗治法未可盡據為主參酌諸方用之

大法腫高焮痛脉浮者邪在表也宜托之如內托

復煎散

腫硬痛深脉沉者邪在內也宜下之如黃

連內疎湯仙方活命飲苦參丸

外無焮腫內則便

利調和者邪在經絡也宜調和榮衛如托裡榮衛湯

白芷升麻輩

焮痛躁煩或咽乾作渴者宜降火如

黃連解毒湯

焮痛發熱或拘急或頭痛者邪在表

也宜散之如荆防敗毒散人參敗毒散輩

大痛或

不痛者邪氣實也隔蒜灸之更用解毒如仙方活命

飲

煩躁飲冷焮痛脉數者邪在上也宜清之如清

涼飲或金銀花散

惡寒而不潰者氣實無寒邪也

宜宣而補之如十宣散

焮痛發熱汗多大渴便秘

譫語者結陽證也宜下之如黃連內疎湯破棺丹輩

不作膿或熱而不潰者虛也宜補之如補中益氣

湯八物湯十全大補湯輩

焮痛或不痛及麻木者

邪氣盛也隔蒜灸之

腫痛或不作膿者邪氣凝結

也宜解之如仙方活命飲

腫痛飲冷發熱睡語者

火也宜清之如清心湯或防風通聖散加黃連

不

作膿或不潰及不斂者陽氣虛也宜補之如托裏消

毒散

潔古云瘡瘍者火之屬須分內外若其脉沉實當先
疎其內以絕其原也其脉浮大當先托裏恐邪氣入
內也有內外之中者邪氣至甚遏絕經絡故發癰腫
經曰榮氣不從逆於肉理乃生癰腫此因失托裏及
失疎通又失和榮衛也治瘡之大要須明托裏疎通
行榮衛三法托裏者治其外之內疎通者治其內之
外行榮衛者治其中也內之外者其脉沉實發熱煩
躁外無焮赤痛甚邪氣深於內也故先疎通臟腑以
絕其原內疎黃連湯外之內者其脉浮數焮腫在外形證
外顯恐邪氣極而內行故先托裏以防其干也內托
復煎

腫瘍

卷九

四九

散內外之中者外無熯惡之氣內亦臟腑宣通知其

在經當和榮衛也

當歸黃芪湯

用此三法之後雖未瘥必

無變證亦可使邪氣峻減而易痊也

東垣云瘡疽

之發其受之有內外之別治之有寒溫之異受之外

者法當托裏以溫劑反用寒藥則是皮毛始受之邪

引入骨髓受之內者法當疎利以寒劑反用溫劑托

裏則是骨髓之病上徹皮毛表裏通潰共爲一瘡助

邪爲毒苦楚百倍輕則危殆重則死矣予聞潔古云

瘡瘍之生也表裏不同或攻或發少有差舛變證隨

能殺人甚於傷寒也針灸施治各隨其宜所用之藥

又當明入五臟君臣是其法也

內疎黃連湯 治嘔哕心逆發熱而煩脉沉而實腫

硬木悶而皮色不變色根係深大病遠在內臟腑

秘澀當急疎利之

黃連 芍藥 當歸

檳榔 木香 黃芩

梔子 薄荷 桔梗

甘草 各壹兩 連翹 貳兩

右除檳榔木香爲末外並剉每服壹兩水壹盞半煎壹盞先喫壹貳服次每服加大黃壹錢再加貳

錢以利爲度如有熱證止服黃連湯大便秘澀加大黃如無熱證止用復煎散時時呷之如此內外皆通榮衛和調則經絡自不遏絕矣

內托復煎散 治腫歟於外根盤不深形證在表其脈浮痛在皮內恐邪氣盛則必侵於內急須內托以救其裡

地骨皮

黃芪

防風

各錢兩

芍藥

黃芩

白朮

茯苓

人參

甘草

當歸

防已

各錢兩

桂枝

錢伍兩

裏行藥和藥

右咬咀先將蒼朮壹斤用水伍升煎至叁升去蒼朮滓入前藥拾貳味再煎至叁肆盞絞取清汁作叁肆服終日服之又煎蒼朮滓爲湯去滓再依前煎拾貳味藥滓服之此除濕散鬱熱使胃氣和平如或未已再作半料服之若大便秘及煩熱少服黃連湯如微利煩熱已退却服復煎散半料如此使榮衛俱行邪氣不能內侵也

當歸黃芪湯

治瘡瘍臟腑已行而痛不可忍者

當歸

黃芪

地黃

川芎

地骨皮

芍藥

各半錢

右咬咀水煎服

如發熱加黃芩

如煩躁不能

一睡卧者加梔子

如嘔則是濕氣侵胃倍加白朮

一右三方乃易水師弟治瘡之三法今特列於篇首

而以古今諸方臚列於後臨病之正詳審脉證而

施用之庶乎可以無失矣

發表內經曰汗之則瘡已東垣云東南二方者在人

則爲丙小腸熱甲膽風小腸與膽皆居其下其性炎

上其瘡外有六經之形證內無便溺之阻隔飲食如

故清便自調知不在裏非疽瘡也止癰癰也小則爲

癰大則爲癰其邪所受於下風濕之地氣自外而來

侵加於身者也經云營氣不從逆於肉理乃生癰腫
諸痛痒瘡皆屬心火此瘡自外而入是丙小腸左遷
入於膽作痛而非癢也此二方皆主血血爲病必痛
此元氣不足營氣逆行其瘡初出未有傳變在於肌
肉之上皮毛之間只於風熱六經所行經絡地分出
矣宜瀉其風濕熱醫者只知陰覆其陽則汗也此宜
發汗者乃濕熱鬱其手足少陽致血脉凝逆使榮衛
周身元氣消弱也其風熱鬱滯於下其面色必赫赤
而腫微黯色亦方青埋沒之色也風木之性上衝顏
必忿色其人多怒其瘡之色亦赫赤腫硬微帶黯色

其瘡之形勢亦奮然高起結硬而作痛也其脉止在左手左手主表左寸外洪緩左關洪緩而弦是客邪在於血脉之上皮膚之間宜急發其汗而通其榮衛則邪氣去矣以托裏榮衛湯主之 劉宗厚曰前論大要三法卽此瘡宜汗之及先托裏恐邪氣入內言外因也宜先疎內以絕其源言內因也當和榮衛謂不內外因之證也故瘡之發於皮表者因大畧言汗其汗下和之間然亦有外治之次第焉如郭氏治驗云一婦人五十九歲右耳下天容穴間患一疔瘡其頭黑麤四邊泡起黃水時流渾身麻木發熱譫語時

時昏沉六脉浮洪用烏金散汗之就以鉗針先刺瘡
心不痛周遭再刺十餘下紫黑血出方知疼痛就以
寸金錠子紅入瘡内外用提丁錠子放於瘡上膏藥
貼護次日汗後精神微爽却用破棺丹下之病卽定
其疔潰動後用守効散貼塗紅玉錠子紅之八日其
疔自出矣茲所謂審脉證汗下之間外治次第如此
殊勝不察脉證但見發熱譫語便投涼劑與下或無
以香竄之藥遂致悞人者遠矣

丹溪曰癰疽因積毒在臟腑非一朝夕今發於外宜
以標本爲治當先助氣壯胃使根本堅固而以行經